

եպիսկոպոսի կարկառոցոյ . և ի կնքտուք զնացաք ի վէհրէտէնցն և նշան օրհնեցաք յեկեղեցին մեր վասն Ողիտայի: Եւ յետ սմին զնացաք յԱստուածածին մօտ առ վարդապեան Իգնատիոս և երեկոյիս եկաք:

Բշի օրս (25 Յունիս) ըռամագան բռնեցին Տաճկունքն:

Գշի օրս (26 Յունիս) զորդի Ալաճաճի¹⁾ Գրիգորին՝ անուն նմին Ռըստագէս, որ ուրացուցին զնա բազում չարչարանօք յակամայ, վասն զի ընդ Տաճկունսն յոյժ հակաճառէր նստեալ ի մէջ շուկային և երբեմն երբեմն անարգէր զհաւատս նոցա եւս բազում բանիւ . այլ զրացիքն խրատէին զնա և ոչ անսայր, և նոքա ևս երբեմն թոյլ տային որպէս թէ ոչ լըւաք: Այլ սա արհեստ արարեալ իւրն՝ հանապազ զայն առնէր . և ըմբըռնեալ և վկայք կացուցեալ թէ Անարգեաց զօրէնս մեր և զպտոգամաբերն . մինչև բազում ամբոխ կուտեալ ի վերայ նորա՝ եթէ տարցեն զնա առ բռնաւորն մեծ . եթէ ուրացի՝ փրկեսցեն և եթէ ոչ՝ սպանցեն: Եւ զայս տեսեալ Հայոցս ազգի, նմին ևս սիրելեացն՝ ծածկաբար երթեալ, բազում փողս խաղացուցեալ դատախազիցն եւ վկայիցն, շատ ջանիւ փրկեցին զնա յայնմ վտանգէն, փախուցանելով զնա յերկիրս յայլ անձանօթ: Եւ յետ ժամանակաց յայլ կերպարանաւ եկն ի քաղաքս . ծանեան զնա արքն որ ունէին դաւ ընդ նմա՝ պահելով յիս ի սրտի, և կալեալ զնա պինդ, այնչափ մինչև զնա ուրացուցեալ հանին ի հաւատոցս Քրիստոսի: Եւ զրեցին ըռոճիկս նմա ի թագաւորէն, մեծացուցանելով զնա և ծառայ առնելով թագաւորին: Բայց նա ի թաքստի արտասուօք անցուցանէր զժամանակն եւ զթողուլ տանն եւ տղայոցն մորմոքէր աղիքն և զմարտիրոսանայն ցանկայր և ի տան-

1) ալաճի.